

# মৃত ব্যক্তির অসহায়ত্ব

الموت

الموت

الموت

الموت

الموت

الموت



শায়খে তরিকত, আযীরে আহ্লে সুন্নাত,  
দা'ওয়াতে ইসলামীর প্রতিষ্ঠাতা হযরত আব্বাসা মাওলানা আবু বিলাল

মুহাম্মদ ইলহিয়াস আত্তার কাদেরী রযবী

وَأَمَّا بَعْدُ  
فَالْحَمْدُ لِلَّهِ

রাসূলুল্লাহ ﷺ ইরশাদ করেছেন: “তোমরা যেখানেই থাকো আমার উপর দরুদে পাক পড়ো, কেননা তোমাদের দরুদ আমার নিকট পৌঁছে থাকে।” (তাবারানী)

## মুচিপত্র

বিষয়	পৃষ্ঠা	বিষয়	পৃষ্ঠা
দরুদ শরীফের ফরযীলত	২	মৃত ব্যক্তির সাথে কথাবার্তা	১৫
লাশ এবং গোসলদাতা	৩	T.V. রেখে মৃত্যুবরণ করায় কবরে শান্তি	১৬
মৃত ব্যক্তি কি বলে?	৩	প্রিয় নবী ﷺ এর মোবারকবাদ	১৮
সারা জীবনের ব্যস্ততা	৪	বাহানা করিও না	১৯
কবরের অন্তর জাঘতকারী কাহিনী	৫	ভয়ানক উপত্যকা	২১
রাজকীয় মৃত্যু	৮	টাক ওয়ালা সাপ	২১
রাজত্ব কাজে আসলো না	৮	চল্লিশ দিন পর্যন্ত নামায কবুল হবে না	২১
দুনিয়াতে আসার উদ্দেশ্য	৯	শেরে খোদা رَضِيَ اللهُ تَعَالَى عَنْهُ এর মদের প্রতি ঘৃণা	২২
মন্ত্রীত্ব কাজে আসবে না	১০	অত্যাচারী পিতা-মাতারও আনুগত্য	২২
ভিত্তিহীন চারটি দাবী	১১	ওয়াদা ভঙ্গকারীর শাস্তি	২৩
প্রথম দাবী “আমি আল্লাহ তাআলার বান্দা”	১২	পেটের মধ্যে সাপ	২৪
দ্বিতীয় দাবী “আল্লাহ তাআলাই একমাত্র রিযিকদাতা”	১২	৩৬বার যিনার চেয়েও জঘন্য	২৪
তৃতীয় দাবী “ইহকাল থেকে পরকাল উত্তম”	১৩	জাহান্নামের পাথের	২৪
চতুর্থ দাবী “অবশ্যই একদিন মরতে হবে”	১৩	সুন্নাতের বাহার	২৫
মৃত ব্যক্তির আস্থান	১৪	কবর ও দাফনের মাদানী ফুল	২৬
		তথ্যসূত্র	৩১

রাসূলুল্লাহ ﷺ ইরশাদ করেছেন: “প্রতিটি উদ্দেশ্য সম্বলিত কাজ, যা দরুদ শরীফ ও যিকির ছাড়াই আরম্ভ করা হয়, তা বরকত ও মঙ্গল শূণ্য হয়ে থাকে।” (মাতালিউল মুসাব্বরাত)

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ ط  
أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ ط بِسْمِ اللَّهِ الرَّحْمَنِ الرَّحِيمِ ط

## মৃত ব্যক্তির অসহায়ত্ব (১)

শয়তান আপনাকে লাঞ্ছনা অলসতা দিবে, তবুও আপনি এ রিসালাটি সম্পূর্ণ পড়ে নিন। إِنَّ شَاءَ اللَّهُ عَزَّوَجَلَّ আপনার অন্তরে মাদানী পরিবর্তন অনুভব করবেন।

### দরুদ শরীফের ফযীলত

মদীনার তাজেদার, শাহানশাহে আবরার, ছয়ুরে আনওয়ার ইরশাদ করেন: “আমার উপর দরুদ শরীফ পাঠ করে তোমরা তোমাদের মজলিশ সমূহকে সজ্জিত করো। কেননা, তোমাদের দরুদ শরীফ পাঠ করাটা কিয়ামতের দিন তোমাদের জন্য নূর হবে।”

(আল ফিরদৌস বিমাসুরিল খাতাব, ২য় খন্ড, ২৯১ পৃষ্ঠা, হাদীস- ৩৩৩)

صَلُّوا عَلَى الْحَبِيبِ! صَلَّى اللَّهُ تَعَالَى عَلَى مُحَمَّدٍ

(৯) এই বয়ানটি আমীরে আহলে সূন্নাহ دَامَتْ بَرَكَاتُهُمْ الْعَالِيَةِ তবলীগে কুরআন ও সূন্নাহের বিশ্বব্যাপী অরাজনৈতিক সংগঠন দাওয়াতে ইসলামীর তিন দিনের আন্তর্জাতিক ইজতিমা (১১, ১২, ১৩ শাবানুল মুয়াজ্জম ১৪২৩ হিজরী) রবিবার মদীনা তুল আউলিয়া মুলতানে প্রদান করেন। পরিবর্তন সহকারে লিখিতভাবে আপনাদের খেদমতে পেশ করা হলো। (মাকতাবাতুল মদীনা মজলিশ)

রাসূলুল্লাহ ﷺ ইরশাদ করেছেন: “আমার উপর অধিক হারে দরুদে পাক পাঠ করো, নিঃসন্দেহে এটা তোমাদের জন্য পবিত্রতা।” (আবু ইয়াল)

## লাশ এবং গোসলদাতা

প্রখ্যাত আলিম ও মুহাদ্দিস এবং প্রসিদ্ধ তাবেয়ী বুয়ুর্গ হযরত সায়্যিদুনা সুফিয়ান ছওরী رَضِيَ اللهُ تَعَالَى عَنْهُ থেকে বর্ণিত; “মৃত ব্যক্তি সবকিছু জানতে পারে। এমনকি (সে) গোসলদাতাকে বলে: তোমাকে আল্লাহ তাআলার শপথ দিচ্ছি, তুমি গোসলদানে আমার সাথে নম্রতা প্রদর্শন করো। আর যখন তাকে খাটে রাখা হয়, তখন তাকে বলা হয়: “নিজের ব্যাপারে মানুষের মন্তব্যগুলো শুনো। (শরহুস সুদূর, ৯৫ পৃষ্ঠা)

## মৃত ব্যক্তি কি বলে?

আমীরুল মুমিনীন হযরত সায়্যিদুনা ওমর ফারুককে আযম رَضِيَ اللهُ تَعَالَى عَنْهُ বর্ণনা করেন; মদীনার তাজেদার, উভয় জগতের সরদার, নবী করীম صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেছেন: “মৃত ব্যক্তিকে যখন খাটে রাখা হয় এবং তাকে নিয়ে এখনোও তিন কদম পথ অতিক্রম করা হয়েছে মাত্র, তখন সে বলে, আর তার কথা মানুষ এবং জ্বীন ব্যতীত আল্লাহ তাআলা যাদের চান তাদেরকে শুনান। মৃত ব্যক্তি বলে: “হে আমার ভাইয়েরা! এবং হে আমার লাশ বহনকারীরা! তোমাদেরকে যেন দুনিয়া ধোকায় না ফেলে, যেভাবে আমাকে ধোকায় ফেলেছিল। আর সৃষ্টি যেন তোমাদেরকে খেলায় (মগ্ন) না রাখে। যেভাবে সে আমাকে মগ্ন রেখেছিল। আমি যা কিছু উপার্জন করেছি তা নিজের ওয়ারিশদের জন্য রেখে যাচ্ছি। আল্লাহ তাআলা কিয়ামতের দিন আমার কাছ থেকে হিসাব নিবেন। আর আমাকে পাকড়াও করবেন। অথচ (আজ) তোমরা আমাকে বিদায় জানাচ্ছ এবং আমাকে আহ্বান করছো (অর্থাৎ আমার জন্য কান্নাকাটি করছ)।

(শরহুস সুদূর, ৯৩ পৃষ্ঠা, কিতাবুল কুবর মাআ মাওসুআতে ইবনে আবিদ দুনিয়া, ৬ষ্ঠ খন্ড, ৬১ পৃষ্ঠা, হাদীস- ২৫)

রাসূলুল্লাহ ﷺ ইরশাদ করেছেন: “যে ব্যক্তি আমার উপর একবার দরদ শরীফ পড়ে, আল্লাহ তাআলা তার উপর দশটি রহমত নাযিল করেন।” (মুসলিম শরীফ)

জিতনে দুনিয়া সেকান্দর থাহ্ চলা, জব গিয়া দুনিয়া হে খালি হাত থাহ্।

## সারা জীবনের ব্যস্ততা

প্রিয় ইসলামী ভাইয়েরা! ঐ সময় কেমন একাকীত্ব হবে, যখন রুহ শরীর থেকে পৃথক হয়ে যাবে। আর ঐ সময় কি রকম নিঃসঙ্গতা হবে, যখন শরীর থেকে দামী কাপড়গুলো খুলে নেয়া হবে, গোসলদাতা গোসল করাবে সেলাইবিহীন কাপড় পরিধান করিয়ে দেওয়া হবে। (আর তখন) কেমন কঠিন দুঃখের ব্যাপার হবে যখন লাশ কাঁধে উঠিয়ে নিয়ে যাওয়া হবে। হায়! হায়! “এই দুনিয়া” যাকে সাজানোর জন্য সারা জীবন ব্যস্ততায় কাটিয়ে ছিলাম, যার জন্য রাতের ঘুম ত্যাগ করেছি। নানা রকম বিপদের সম্মুখীন হয়েছি। হিংসুকদের শত বাঁধা উপেক্ষা করে নিজের জীবনবাজী রেখে সম্পদ উপার্জন করেছি। খুব বেশি ধন-সম্পদ জমা করতে ব্যস্ত ছিলাম। যে ঘরকে মজবুত করে নির্মাণ করেছিলাম, তাকে নানা রকম ফার্নিচার দ্বারা সজ্জিত করেছি। আজ এসব কিছু ত্যাগ করে বিদায় নিতে হচ্ছে। আহ! দামী পোষাকগুলো হ্যাংগারে টাঙ্গানোই থেকে যাবে। আর গাড়ী থাকলে গ্যারেজেই থেকে যাবে। খেলাধুলার সামগ্রী, জীবনযাপনের সামগ্রী এবং নানারকমের জিনিসপত্র যেখানে যা আছে সেখানেই পড়ে থাকবে। আর মৃত ব্যক্তির অসহায়ত্ব ঠিক তখনই আরো চরম পর্যায়ে পৌঁছবে, যখন তাকে উজ্জল বিলিমিলি আলো থেকে “অস্থায়ী আনন্দ ও খুশিতে মাতোয়ারার স্থান” এ ধ্বংসশীল ঘর থেকে বের করে অন্ধকার কবরে রেখে দেওয়ার জন্য তার খাট বহনকারীরা তাকে কাঁধে নিয়ে কবরস্থানের দিকে পথ চলতে থাকবে।

রাসূলুল্লাহ ﷺ ইরশাদ করেছেন: “যে ব্যক্তি আমার উপর দরুদ শরীফ পাঠ করা ভুলে গেলো, সে জান্নাতের রাস্তা ভুলে গেলো।” (তবারানী)

আ-লমে ইনকিলাব হে দুনিয়া, চন্দ লামহো কা খাওয়াব হে দুনিয়া।  
ফখর কিউ দিল লাগায়ে ইছ ছে, নেহী আছি, খারাব হে দুনিয়া।

## কবরের অন্তর জাগ্রতকারী কাহিনী

হযরত সায্যিদুনা ওমর বিন আব্দুল আযিয رَضِيَ اللهُ تَعَالَى عَنْهُ একটি জানাযার সাথে কবরস্থানে তাশরীফ নিয়ে গেলেন। (তিনি) সেখানে একটি কবরের নিকট বসে গভীর চিন্তা-ভাবনায় মগ্ন হয়ে গেলেন। কেউ (তাকে) জিজ্ঞাসা করল: হে আমীরুল মু’মিনীন! আপনি এখানে একাকী কেন বসে আছেন? বললেন: “এখনই একটি কবর আমাকে চিৎকার দিয়ে আহ্বান করলো এবং বললো: হে ওমর বিন আব্দুল আযিয رَضِيَ اللهُ تَعَالَى عَنْهُ! আমার কাছ থেকে কেন জিজ্ঞাসা করছেন না যে, আমি আমার ভিতরে আসা ব্যক্তির সাথে কি রকম আচরণ করে থাকি? আমি সে কবরকে বললাম: “আমাকে অবশ্যই বলো, সে বলতে লাগলো: যখন কেউ আমার ভিতর আসে তখন আমি তার কাফনকে ছিন্ন ভিন্ন করে শরীরকে টুকরো টুকরো করে দিই। অতঃপর তার মাংস খেয়ে ফেলি। আপনি কি আমার নিকট একথাও জিজ্ঞাসা করবেন না যে, আমি তার জোড়াগুলোর সাথে কেমন আচরণ করি?” আমি বললাম: “এটাও বলো?” সে বলতে লাগলো: হাতদ্বয়কে কজী থেকে, হাঁটুকে পায়ের গোড়ালী থেকে, আর পায়ের টাখনুকে পা থেকে পৃথক করে দিই।” এতটুকু বলার পর, হযরত সায্যিদুনা ওমর বিন আব্দুল আযিয رَضِيَ اللهُ تَعَالَى عَنْهُ অব্যাহত নয়নে কাঁদতে শুরু করলেন। যখন তার কিছুটা স্বস্তি ফিরে আসল তখন এভাবে শিক্ষণীয় মাদানী ফুল বিতরণ করতে রইলেন।



রাসূলুল্লাহ ﷺ ইরশাদ করেছেন: “যে ব্যক্তি আমার উপর দরুদ শরীফ পাঠ করা ভুলে গেলো, সে জান্নাতের রাস্তা ভুলে গেলো।” (তবারানী)

হে ইসলামী ভাইয়েরা! এই দুনিয়াতে আমাদেরকে অতি স্বল্প সময় থাকতে হবে। যারা এ দুনিয়ায় ক্ষমতা সম্পন্ন রয়েছে, তারা পরকালে খুবই লাঞ্চিত ও অপমানিত হবে। আর যারা এ জগতে ধনী রয়েছে, তারা পরকালে নিঃস্ব ফকির হয়ে যাবে। (আখিরাতে) যুবক বৃদ্ধ হয়ে যাবে, আর যারা জীবিত আছে, তারা মৃত্যু বরণ করবে। দুনিয়া যখন তোমার দিকে আসবে তখন সে যেন তোমাকে ধোকায় নিমজ্জিত না করে। কেননা, তুমি জান যে, এটি অতি শীঘ্রই বিদায় নিয়ে যাবে। কুরআন শরীফ তিলাওয়াতকারীরা কোথায় গিয়েছে? বায়তুল্লাহ শরীফের হজ্জ পালনকারীরা কোথায় গিয়েছে? রমজান শরীফের রোযা আদায়কারীগণ কোথায় গিয়েছে? কবরের মাটি তাদের শরীরকে কি অবস্থা করেছে? কবরের কীটপতঙ্গ তাদের মাংসের কি পরিণতি করেছে? তাদের হাঁড় ও জোড়াগুলোর সাথে কি অবস্থা হয়েছে? আল্লাহ তাআলার শপথ! (যে বেআমল) দুনিয়াতে আরামের নরম বিছানায় থাকতো, কিন্তু এখন নিজের পরিবার পরিজন ও (ঘর, বাড়ী) দেশ ছেড়ে আরামের পর সংকীর্ণ (কবরের বাসিন্দা) হয়ে গেছেন। আর তাদের পুত্ররা অলি গলিতে এদিক সেদিক ঘুরাফিরা করছে। কেননা, তাদের বিধবা স্ত্রীরা অন্য স্বামী গ্রহণ করে পুনরায় সংসার করছে। তাদের আত্মীয়-স্বজনরা তাদের ঘর-বাড়ীগুলো দখল করে নিয়েছে এবং সম্পদগুলো নিজেদের মাঝে বন্টন করে নিয়েছে। আল্লাহ তাআলার শপথ! তাদের মাঝে কতক সৌভাগ্যবান এমনও রয়েছে। যারা কবরে (নানা ধরণের) নেয়ামতের স্বাদ উপভোগ করছেন। আর কেউ কেউ এমনও আছে যারা কবরে আযাবের মধ্যে গ্রোফতার রয়েছে।

রাসূলুল্লাহ ﷺ ইরশাদ করেছেন: “যে ব্যক্তি কিতাবে আমার উপর দরুদ শরীফ লিখে, যতক্ষণ পর্যন্ত আমার নাম তাতে থাকবে, ফিরিশতারা তার জন্য ক্ষমা চাইতে থাকবে।” (তাবারানী)

আফসোস! শত হাজার আফসোস! ওহে বোকা! যে আজ মৃত্যুর সময় নিজের পিতার, কখনো নিজ পুত্রের আবার কখনো আপন ভাইয়ের চোখ বন্ধ করছে, তাদের মধ্যে কাউকে গোসলও করিয়েছে, কাউকে কাফনও পরিধান করিয়েছে, (আবার) কারো জানাযার খাটও বহন করেছে এবং কাউকে কবরের সংকীর্ণ অন্ধকারময় গর্তে দাফন করেছে। (স্মরণ রাখুন!) কাল এসব কিছু আপনার সাথেও কার্যকর হবে। হায়! আমার যদি জানা থাকতো, কোন্ অঙ্গটি (কবরে) সর্বপ্রথম নষ্ট হয়ে যাবে। অতঃপর হযরত সায়্যিদুনা ওমর বিন আব্দুল আযিয رَضِيَ اللهُ تَعَالَى عَنْهُ কাঁদতেই রইলেন এবং কাঁদতে কাঁদতে শেষ পর্যন্ত বেহুশ হয়ে গেলেন এবং এক সপ্তাহ পরেই দুনিয়া থেকে চিরবিদায় নিলেন। (আররাওজাতুল ফারিক, ১৩৮ পৃষ্ঠা)

হুজ্জাতুল ইসলাম হযরত সায়্যিদুনা ইমাম মুহাম্মদ গাযালী رَحِمَهُ اللهُ تَعَالَى عَلَيْهِ “ইহুইয়াউল উলুম” গ্রন্থে বর্ণনা করেছেন: “হযরত সায়্যিদুনা ওমর বিন আব্দুল আযিয رَضِيَ اللهُ تَعَالَى عَنْهُ এর (পবিত্র) মুখ দিয়ে এই আয়াতে কারীমা জারি ছিলো:

تِلْكَ الدَّارُ الْآخِرَةُ نَجَعَلَهَا  
لِلَّذِينَ لَا يُرِيدُونَ عُلُوًّا  
فِي الْأَرْضِ وَلَا فَسَادًا  
وَالْعَاقِبَةُ لِلْمُتَّقِينَ ﴿٨٣﴾

কানযুল ইমান থেকে অনুবাদ: এই পরকালের ঘর আমি ঐ সকল ব্যক্তিদের জন্য তৈরী করে রেখেছি যারা জমিনে অহংকার করে না। ফ্যাসাদ সৃষ্টি করতে চায় না। আর ভাল পরিনাম রয়েছে খোদাভীতি অর্জনকারীদের জন্য।

(পারা- ২০, সুরা- কাসাস, আয়াত- ৮৩)

(ইহুইয়াউল উলুম, ৫ম খন্ড, ২৩০ পৃষ্ঠা)



রাসূলুল্লাহ ﷺ ইরশাদ করেছেন: “যে ব্যক্তি আমার উপর প্রতিদিন সকালে দশবার ও সন্ধ্যায় দশবার দরুদ শরীফ পাঠ করে, তার জন্য কিয়ামতের দিন আমার সুপারিশ নসীব হবে।” (মাজমাউয যাওয়ায়েদ)

## রাজকীয় মৃত্যু

প্রিয় ইসলামী ভাইয়েরা! হযরত সাযিয়দুনা ওমর বিন আব্দুল আযিয رَضِيَ اللهُ تَعَالَى عَنْهُ এর হৃদয় বিদারক ঘটনাটিতে বিবেকবানদের জন্য উৎকৃষ্ট শিক্ষণীয় উপদেশ রয়েছে। রাজকীয় মৃত্যুর আরেকটি ঘটনা শুনুন। যেমন হুজ্জাতুল ইসলাম হযরত সাযিয়দুনা ইমাম মুহাম্মদ গাযালী رَضِيَ اللهُ تَعَالَى عَنْهُ “ইহুইয়াউল উলূম” গ্রন্থে বর্ণনা করেন; মৃত্যুর সময় কেউ খলিফা আব্দুল মালিক বিন মরওয়ান থেকে জিজ্ঞাসা করলো: “এই সময় আপনি নিজেকে কেমন পাচ্ছেন?” তিনি উত্তর দিলেন। “হুভু ঐরূপ যেমনটি কুরআন মজীদে সপ্তম পারায় সুরাতুল আনআম এর ৯৪ নং আয়াতে আল্লাহ তাআলা ইরশাদ করেছেন:

وَلَقَدْ جِئْتُمُونَا فَرَادَى كَمَا  
خَلَقْنَاكُمْ أَوَّلَ مَرَّةٍ وَتَرَكْتُمْ مَّا  
خَوَّلْنَاكُمْ وَرَاءَ ظُهُورِكُمْ

কানযুল ঈমান থেকে অনুবাদ: এবং নিশ্চয় তোমরা আমার নিকট একাই আসবে যেভাবে আমি তোমাদেরকে একাই সৃষ্টি করেছিলাম এবং যে ধন-সম্পদ আমি তোমাদেরকে দান করেছি অবশ্যই তা পিছনে ত্যাগ করে আসবে।

(পারা- ৭, সূরা- আনআম, আয়াত- ৯৪)

(ইহুইয়াউল উলূম, ৫ম খন্ড, ২৩০ পৃষ্ঠা)

## রাজত্ব কাজে আসলো না

হুজ্জাতুল ইসলাম হযরত সাযিয়দুনা ইমাম মুহাম্মদ বিন মুহাম্মদ বিন মুহাম্মদ গাযালী رَضِيَ اللهُ تَعَالَى عَنْهُ “ইহুইয়াউল উলূম” গ্রন্থে বর্ণনা করেন: “প্রসিদ্ধ আব্বাসীয় খলিফা হারুনুর রশিদ رَضِيَ اللهُ تَعَالَى عَنْهُ এর যখন শেষ (মৃত্যুর) সময় (ঘনিয়ে) আসলো,

রাসূলুল্লাহ ﷺ ইরশাদ করেছেন: “আমার প্রতি অধিকহারে দরদ শরীফ পাঠ করো, নিশ্চয় আমার প্রতি তোমাদের দরদ শরীফ পাঠ, তোমাদের গুনাহের জন্য মাগফিরাত স্বরূপ।” (জামে সগীর)

তখন তিনি নিজের কাফনকে বার বার উলট পালট করে দুঃখ নিয়ে দেখতে রইলেন এবং ২৯ পারার সূরা তুল হা-ক্বাহ এর এ আয়াত শরীফগুলো পড়তে রইলেন:

مَا أَغْنَىٰ عَنِّي مَالِيهِ  
هَلَكَ عَنِّي سُلْطَانِيهِ

কানযুল ঈমান থেকে অনুবাদ: আমার সম্পদ আমার কোন কাজে আসল না। আমার সকল ক্ষমতা ধ্বংস হয়েই গেলো।

(পারা-২৯, সূরা- হা-ক্বাহ, আয়াত- ২৮-২৯)  
(ইয়াহইয়াউল উলুম, ৫ম খন্ড, ২৩১ পৃষ্ঠা)

## দুনিয়াতে আসার উদ্দেশ্য

প্রিয় ইসলামী ভাইয়েরা! বাস্তব কথা এই যে, এই দুনিয়াতে এসে আমরা কঠিন পরীক্ষায় জড়িয়ে পড়েছি। আমাদের আগমনের উদ্দেশ্য অন্য রকম ছিলো এবং (আমরা) হয়ত তার বিপরীত অন্য কিছু বুঝতে শুরু করেছি। আমাদের জীবন যাপনের ধরণ এ কথা প্রমাণ করে যে, আল্লাহ তাআলার পানাহ! আমাদেরকে কখনো মৃত্যু বরণ করতে হবে না। মনে রাখবেন! আমরা এখানে স্থায়ীভাবে থাকতে পারবো না। এই দুনিয়াতে আসার উদ্দেশ্য শুধুমাত্র সম্পদ উপার্জন করা বা দুনিয়াবী জ্ঞান ও বিজ্ঞান এর বিষয়ে ডিগ্রী অর্জন করা এবং শুধু দুনিয়ার উন্নতি অর্জন করাও নয়, ১৮ পারার সূরা তুল মু'মিনুন-এর আয়াত- ১১৫-তে ইরশাদ হচ্ছে:

أَفَحَسِبْتُمْ أَننَا خَلَقْنَاكُمْ  
عَبَثًا وَأَنْكُمْ إِلَيْنَا لَا  
تَرْجَعُونَ

কানযুল ঈমান থেকে অনুবাদ: তোমরা কি এ ধারণা করে নিয়েছ যে আমি তোমাদেরকে অনর্থক সৃষ্টি করেছি। আর তোমাদেরকে আমার নিকট প্রত্যাবর্তন করতে হবে না?

(পারা- ১৮, সূরা- মু'মিনুন, আয়াত- ১১৫)

রাসূলুল্লাহ ﷺ ইরশাদ করেছেন: “যে ব্যক্তি জুমার দিন আমার উপর দরুদ শরীফ পড়বে কিয়ামতের দিন আমি তার জন্য সুপারিশ করব।” (কানযুল উম্মাল)

ইয়াদ রাখ হার আন আখির মওত হে, বনতু মাত আনজান আখির মওত হে।  
 মরতে জাতে হে হাজারো আদমী, আকেল ও নাদান আখির মওত হে।  
 কিয়া খুশি হো দিল কো চান্দে জিসত হে, গমজদা হে জান আখির মওত হে।  
 মুলকে ফানি মে ফানা হার শায়কো হে, ছুন লাগা কর কান আখির মওত হে,  
 বারহা ইলমি তুঝে ছামঝা চুকে, মান ইয়া মত মান আখির মওত হে।

## মন্ত্রীত্ব কাজে আসবে না

আল্লাহ তাআলা মানুষকে তাঁর ইবাদত করার জন্য সৃষ্টি করেছেন। সে যদি নিজের জীবনের উদ্দেশ্য পূরণ করার কাজে সফলতা অর্জন না করে এবং কিয়ামতের দিন গুনাহের পাহাড় নিয়ে পরাক্রমশালী আল্লাহ তাআলার দরবারে উপস্থিত হয়, তখন আল্লাহ তাআলার অসন্তুষ্টি অবস্থায় তাঁর দুনিয়ার অগণিত সম্পদও তাকে আপন প্রতিপালকের গযব ও শাস্তি থেকে রক্ষা করতে পারবে না। দুনিয়াবী জ্ঞান ও বিজ্ঞান, কারখানা, হাতিয়ার, দুনিয়ার উৎস, উচ্চ পদমর্যাদা, মন্ত্রীত্ব, দুনিয়ার আরাম-আয়েশ, সুনাম, শক্তি, দুনিয়ার সম্মান আল্লাহ তাআলার দরবারে কৃতকার্য করতে পারবে না। নেতৃত্বের নেশায় পাগল হয়ে একে অপরের দোষত্রুটিকে প্রকাশকারীরা, সন্ত্রাসী কর্মকাণ্ড উত্তপ্তকারীরা, আর মুসলমানদের হক সমূহ নষ্টকারীদের জন্য চিন্তার বিষয় যে, যদি গুনাহের কারণে আল্লাহ তাআলা নারাজ হয়ে যায়, আর তাঁর প্রিয় হাবীব ﷺ ও অসন্তুষ্ট হয়ে যায় এবং ঈমান ও নষ্ট হয়ে যায়, তাহলে ঐ সকল কঠিন বিপদ সমূহ তার নিকট উপস্থিত হবে যা কখনো সমাধান হবে না। আল্লাহ তাআলা ৩০ পারায় সূরাতুল হুমায়হ তে ইরশাদ করেন:

রাসূলুল্লাহ ﷺ ইরশাদ করেছেন: “যে ব্যক্তি আমার উপর জুমার দিন ২০০ বার দরুদ শরীফ পড়ে, তার ২০০ বছরের গুনাহ ক্ষমা হয়ে যাবে।” (কানযুল উম্মাল)

بِسْمِ اللَّهِ الرَّحْمَنِ الرَّحِيمِ  
 وَيْلٌ لِّكُلِّ هُمَزَةٍ لُّمَزَةٍ ﴿١﴾  
 الَّذِي جَمَعَ مَالًا وَعَدَّدَهُ ﴿٢﴾  
 يَحْسَبُ أَنَّ مَالَهُ أَخْلَدَهُ ﴿٣﴾  
 كَلَّا لَيُنْبَذَنَّ فِي الْحُطَمَةِ ﴿٤﴾  
 وَمَا أَذْرَبَكُمْ مَا اتَّخَذْتُمْ  
 نَارَ اللَّهِ الْمَوْقِدَ ﴿٥﴾  
 الَّتِي تَطَّلِعُ عَلَى الْإِفْكِ ﴿٦﴾  
 إِنَّهَا عَلَيْهِمْ مُّوَصَّاةٌ ﴿٧﴾  
 فِي عَمَدٍ مُّمدَّدةٍ ﴿٨﴾

কানযুল ঈমান থেকে অনুবাদ: আল্লাহর নামে আরম্ভ করছি, যিনি পরম দয়ালু ও করুণাময়। (১) ধ্বংস ঐ ব্যক্তির জন্য যে লোক সম্মুখে বদনামী করে এবং অগোচরে পাপাচার করে। (২) যে ব্যক্তি সম্পদ সঞ্চয় করেছে এবং গুনে গুনে রেখেছে (৩) সে কি একথা বুঝে নিয়েছে যে, তার সম্পদগুলোই তাকে এ দুনিয়াতে চিরস্থায়ী করে রাখবে। (৪) তা কখনোই নয়। বরং তাকে পদদলিত করার মধ্যে নিষ্ফেপ করা হবে। (৫) আপনি কি জানেন ঐ পদদলিতকারী কি? (৬) তা হলো আল্লাহর প্রজ্জলিত আগুন। (৭) যা অন্তর সমূহকে তীরের মতই ভেদ করে দিবে। (৮) নিশ্চয় তাকে তাদের উপরই সুনির্দিষ্ট করা হবে (৯) লম্বা লম্বা খুঁটিতে। (পারা- ৩০, সূরা- হুমাসা)

## জিন্তহীন চারটি দাবী

হযরত সাযিয়্যদুনা শকিক বলখী رَحْمَةُ اللَّهِ تَعَالَى عَلَيْهِ বর্ণনা করেন: “মানুষ চারটি বিষয় দাবী করে কিন্তু তাদের আমল তাদের দাবীর পরিপন্থী। যথা- (১) তারা মুখে বলে, আমরা আল্লাহ তাআলার বান্দা। কিন্তু তাদের আমল বা কার্যকলাপ স্বাধীন ব্যক্তির মতো। (২) তারা বলে: আল্লাহ তাআলা একমাত্র আমাদেরকে রিযিক দেওয়ার মালিক। কিন্তু তারা অনেক ধন-সম্পদ একত্রিত করে নেওয়ার পরেও মনে প্রাণে সন্তুষ্ট হতে পারে না।

রাসূলুল্লাহ ﷺ ইরশাদ করেছেন: “আমার উপর দরদ শরীফ পাঠ করো, আল্লাহ তাআলা তোমাদের উপর রহমত নাযিল করবেন।” (ইবনে আদী)

(৩) তারা আরো বলে: “দুনিয়া থেকে আখিরাত উত্তম।” কিন্তু তারা শুধুমাত্র দুনিয়ার উন্নতি অর্জনেই সচেষ্ট রয়েছে। (৪) তারা বলে থাকে; “আমাদেরকে অবশ্যই একদিন মৃত্যুবরণ করতে হবে। কিন্তু তাদের জীবন ধারণের নমুনা এমন যে, কখনো তাদেরকে মরতে হবে না।”

(উয্মুল হিকায়াত, ৭৫ পৃষ্ঠা)

## প্রথম দাবী “আমি আল্লাহ তাআলার বান্দা”

প্রিয় ইসলামী ভাইয়েরা! বাস্তবিকই চিন্তার বিষয় যে, নিঃসন্দেহে প্রত্যেক মুসলমান একথা স্বীকার করে, আমি আল্লাহ তাআলার বান্দা। আর প্রতীয়মান রয়েছে, “বান্দা” অনুগত হয়ে থাকে। কিন্তু বর্তমানে অধিকাংশ মুসলমানের কাজ-কর্ম স্বাধীন ব্যক্তির মতো। দেখুন! যে অপরের কর্মচারী হয়, সে তার মালিকের ইচ্ছা অনুযায়ী কাজ করে। নিঃসন্দেহে আমরা আল্লাহ তাআলার বান্দা। আর তার দেওয়া রিযিকই খাচ্ছি। কিন্তু আফসোসের বিষয়, আমাদের কাজ (কামিল) পরিপূর্ণ বান্দাদের মতো নয়। তাঁর হুকুম হচ্ছে; “নামায পড়ো” কিন্তু আমরা তাতে অলসতা করি। রমযানের রোযা পালনের হুকুম রয়েছে কিন্তু আমাদের একটা অংশ তা পালন করে না। এভাবে আল্লাহ তাআলার অন্যান্য আদেশ পালনেও (আমাদের) অনেক অলসতা রয়েছে।

## দ্বিতীয় দাবী “আল্লাহ তাআলা একমাত্র রিযিকদাতা”

নিঃসন্দেহে একমাত্র আল্লাহ তাআলাই রিযিকের যিম্মাদার। কিন্তু তার পরেও রিযিক অর্জনের ধরণ খুবই আশ্চর্যজনক। আল্লাহ তাআলাকে রাখ্যাক (রিযিক দাতা) মেনে এবং রিযিক দাতা হিসেবে স্বীকার করার পরও জানিনা কেন মানুষেরা সূদের লেনদেন করে।

রাসূলুল্লাহ ﷺ ইরশাদ করেছেন: “যার নিকট আমার আলোচনা হলো এবং সে আমার উপর দরুদ শরীফ পড়লো না, সে জুলুম করলো।” (আব্দুর রাজ্জাক)

সুদে ঋন নিয়ে ফ্যাক্টরী চালায় এবং ঘর বাড়ি নির্মাণ করে। যখন আল্লাহ তাআলাকে রিযিকদাতা হিসেবে স্বীকার করে নিয়েছেন, তখন কোন্ বিষয়টি ঘুষ নেওয়ার জন্য বাধ্য করছে? কি কারণে ভেজাল দ্রব্য খোঁকাবাজি করে বিক্রি করা হচ্ছে? কেন চুরি ডাকাতি ও লুটতরাজের ধারাবাহিকতা বহাল রয়েছে? রিযিকের এই হারাম পস্থাগুলো শেষ পর্যন্ত কেন আপন করে রেখেছেন?

### তৃতীয় দাবী “ইহকাল থেকে পরকাল উত্তম”

নিঃসন্দেহে ইহকাল থেকে পরকাল অধিক উত্তম। একথা দাবী করার পরেও শত কোটি আফসোস! আমাদের কর্মকাণ্ড হচ্ছে শুধুমাত্র দুনিয়াকে উত্তম ও উজ্জল করা। কেবল দুনিয়ার সম্পদ সঞ্চয় করার কাজেই ব্যস্ত রয়েছি। অধিকাংশ মানুষ দুনিয়ার সম্পদে বিভোর দেখা যাচ্ছে এবং তাদের জীবন ধারণের অবস্থা দেখে বুঝা যাচ্ছে, দুনিয়া থেকে কখনো বিদায় নিবে না।

### চতুর্থ দাবী “অবশ্যই একদিন মরতে হবে”

নিঃসন্দেহে “আমাদেরকে একদিন অবশ্যই মরতে হবে।” একথা স্বীকার করার পরেও আফসোস! শত কোটি আফসোস! জীবন যাপনের ধরণ এরকম যেন কখনো মরতেই হবে না। দেখুননা হযরত সায়্যিদুনা হাসান বসরী رَضِيَ اللهُ تَعَالَى عَنْهُ ‘আমাদেরকে অবশ্যই একদিন মরতে হবে’ এ দাবীর বাস্তব প্রতিচ্ছবি ছিলেন। তার জীবন যাপনের অবস্থা এই ছিলো, সর্বদা এমনভাবে ভীত থাকতেন, যেন তাকে মৃত্যুর সংবাদ শুনিয়ে দেওয়া হয়েছে। (ইহুইয়াউল উলুম, ৪র্থ খন্ড, ২৩১ পৃষ্ঠা থেকে সংক্ষেপিত)



রাসূলুল্লাহ ﷺ ইরশাদ করেছেন: “ঐ ব্যক্তির নাম খুলামলিন হোক, যার নিকট আমার আলোচনা হলো আর সে আমার উপর দরুদ শরীফ পড়লো না।” (হাকিম)

যাকে বর্তমানে “গ্রেফতারী পরওয়ানা” বলা হয়। অথচ এই অর্থে প্রত্যেকের জন্য গ্রেফতারী পরওয়ানা জারী হয়ে গেল কারণ যেই জন্ম লাভ করেছে, তাকে অবশ্যই মৃত্যুবরণ করতে হবে। প্রত্যেক প্রাণী সৃষ্টি হওয়ার পূর্বেই যেন “চূড়ান্ত তালিকায়” এসে গেছে। অর্থাৎ জন্ম লাভ করার পূর্বেই তার রিযিক, বয়স নির্ধারিত হয়ে গেছে। বরং তার দাফন হওয়ার স্থানও নির্ধারিত হয়ে গেছে। মায়ের পেটে মানুষের আকৃতির নমুনা তৈরীর জন্য ফিরিস্তা, জমিনের সেই অংশ থেকে মাটি সংগ্রহ করে যেখানে ঐ বান্দা জীবন অতিবাহিত করার পর মৃত্যুবরণ করে দাফন হবে। শুনুন! শুনুন! বান্দা নিজের নির্ধারিত রিযিক গ্রহণ করে জীবন অতিবাহিত করার পর মানুষের কাধের উপর খাটের মধ্যে আরোহণ করে যখন কবরস্থানের দিকে নিয়ে যাওয়া হবে, তখন কি বলে। যেমন-

## মৃত ব্যক্তির আস্থান

মদীনার তাজেদার, হাবীবে পরওয়ানদিগার, ছুয়ে আনওয়ার  
 صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেছেন: “ঐ সজ্জার শপথ! যার কুদরতী হাতে আমার প্রাণ, যদি মানুষেরা মৃত ব্যক্তির ঠিকানা দেখে নিতো এবং তার কথা শুনতে পেতো তখন তারা মৃত ব্যক্তিকে ভুলে গিয়ে নিজেদের জন্য কান্না করতো। (আর) যখন মৃত ব্যক্তিকে খাটের উপরে রেখে উঠানো হয়, তখন তার রুহ নড়াচড়া করে খাটের উপর বসে আস্থান করতে থাকে: “হে আমার পরিবার পরিজন! দুনিয়া তোমাদের সাথে (যেন) এমন ভাবে না খেলে, যেমনভাবে সে আমার সাথে খেলেছে, আমি হালাল এবং হারাম সম্পদ জমা করেছিলাম এবং আবার ঐ সম্পদ অপরের জন্য রেখেও এসেছি।

রাসূলুল্লাহ ﷺ ইরশাদ করেছেন: “যখন তোমরা কোন কিছু ভুলে যাও, তখন আমার উপর দরুদ শরীফ পড়ো إِنَّ شَاءَ اللَّهُ وَعَوْجِلَ! স্মরণে এসে যাবে।” (সা'য়াদাতুদ দা'রাইন)

এর উপকার তারাই ভোগ করবে, আর এর ক্ষতি আমাকে ভোগ করতে হবে। তাই যা কিছু আমার উপর ঘটেছে তাকে (তোমরা) ভয় করো। (অর্থাৎ শিক্ষা গ্রহণ করো।) (আত তায়কিরাতুল লিল কুরতুবী, ৭৬ পৃষ্ঠা)

প্রিয় ইসলামী ভাইয়েরা! খুবই চিন্তার বিষয়, বাস্তবিকই প্রত্যেক জানাযা বিশেষ মুবাল্লিগ স্বরূপ (প্রচারক)। সে যেন আমাদেরকে আহ্বান করে বলছে: হে আমার পরে (দুনিয়াতে) বসবাসকারী লোকেরা! যেভাবে আমি আজ দুনিয়া ত্যাগ করে চলে যাচ্ছি। অচিরেই তোমাদেরকেও আমার পিছনে পিছনে চলে আসতে হবে। অর্থাৎ জানাযা যেন আমাদেরকে পথ প্রদর্শন করে যাচ্ছে।

জানাযা আগে বাড়কে কেহ রাহা হে আয় জাহা ওয়ালো,  
মেরে পিছে চলে আও তোমহারা রেহনুমা মে হো।

## মৃত ব্যক্তির সাথে কথাবার্তা

শরহুস সুদূর কিতাবে বর্ণিত রয়েছে; হযরত সাযিদ্দুনা সাযিদ বিন মুসাইয়্যব رَضِيَ اللهُ تَعَالَى عَنْهُ বলেছেন: “একদা আমরা হযরত সাযিদ্দুনা আলী মুরতাজা শেরে খোদা كَرَّمَ اللهُ تَعَالَى وَجْهَهُ الْكَرِيمِ এর সঙ্গে মদীনা শরীফ رَادَا اللهُ شَرْفًا وَتَعْظِيمًا এর সঙ্গে মদীনা শরীফ كَرَّمَ اللهُ تَعَالَى وَجْهَهُ الْكَرِيمِ এর একটি কবরস্থানে গেলাম। হযরত মাওলা আলী كَرَّمَ اللهُ تَعَالَى وَجْهَهُ الْكَرِيمِ কবরবাসীদেরকে সালাম করলেন এবং বললেন: “হে কবরবাসীরা! তোমরা কি নিজেদের সংবাদ শুনাবে, নাকি আমরা শুনাবো?”

সায়িদ্দুনা সাযিদ বিন মুসাইয়্যব رَضِيَ اللهُ تَعَالَى عَنْهُ বললেন: “আমরা সকলেই কবর থেকে وَعَلَيْكُمْ السَّلَامُ وَرَحْمَةُ اللهِ وَبَرَكَاتُهُ এর আওয়াজ শুনতে পেলাম।

রাসূলুল্লাহ ﷺ ইরশাদ করেছেন: “যে ব্যক্তি আমার উপর সারাদিনে ৫০ বার দরুদ শরীফ পড়ে, আমি কিয়ামতের দিন তার সাথে মুসাফাহা করব।” (আল কওলুল বদী)

আর কেউ একজন বলছেন: “হে আমীরুল মু’মিনীন! আপনিই সংবাদ প্রদান করুন, আমাদের মৃত্যুর পর কি হয়েছে? হযরত মাওলা আলী كَوْنَهُ اللهُ تَعَالَى وَجْهَهُ الْكَرِيمِ তখন বললেন: “শুনে নাও! তোমাদের (রেখে যাওয়া) সম্পদ বন্টন হয়ে গেছে। তোমাদের স্ত্রীরা অন্য স্বামী গ্রহণ করে নিয়েছে, তোমাদের সন্তানেরা ইয়াতিমদের অন্তর্ভুক্ত হয়ে গেছে। (আর) যে ঘরকে তোমরা অনেক মজবুত করে তৈরী করেছিলে সেখানে আজ তোমাদের শত্রুরা বসবাস করছে।” এখন তোমরা তোমাদের অবস্থা শুনাও! এ কথা শনার পর একটি কবর থেকে আওয়াজ আসলো: “হে আমীরুল মু’মিনীন! (আমাদের) কাফন ছিন্ন ভিন্ন হয়ে গেছে, (আমাদের) চুলগুলো ঝড়ে পড়ে এদিক সেদিক হয়ে গেছে, আমাদের শরীরের চামড়া টুকরা টুকরা হয়ে গেছে। আমাদের চোখ দুটি বেয়ে চেহারায় এসে গেছে এবং আমাদের নাকের ছিদ্র থেকে পুঁজ বের হচ্ছে আর আমরা যা কিছু আগে পাঠিয়েছিলাম (অর্থাৎ যা আমল করেছি) তা আমরা পেয়েছি। যা কিছু পিছনে রেখে এসেছি তা দ্বারা ক্ষতিগ্রস্ত হয়েছি।

(শরহস সুদূর, ২০৯ পৃষ্ঠা। ইবনে আসাকির, ২য় খন্ড, ৩৯৫ পৃষ্ঠা)

## T.V. রেখে মৃত্যুবরণ করায় কবরে শাস্তি

প্রিয় ইসলামী ভাইয়েরা! মৃত্যুর পরে কি রেখে যাচ্ছি, তার উপরও মানুষের গভীর চিন্তা করা উচিত। অবৈধ ব্যবসা বা জুয়ার আসর অথবা মদের দোকান কিংবা মিউজিক সেন্টার বা ফ্লিম ইন্ডাস্ট্রি অথবা সিনেমা ঘর কিংবা নাট্যমঞ্চ বা গুনাহের সরঞ্জাম ইত্যাদি রেখে মারা গেলে, তখন তার পরিণাম খুবই ভয়াবহ ও কষ্টদায়ক হবে। একটি শিক্ষণীয় ঘটনা শুনুন:

রাসূলুল্লাহ ﷺ ইরশাদ করেছেন: “প্রতিটি উদ্দেশ্য সম্বলিত কাজ, যা দরুদ শরীফ ও যিকির ছাড়াই আরম্ভ করা হয়, তা বরকত ও মঙ্গল শূণ্য হয়ে থাকে।” (মাতালিউল মুসাৱ্বাত)

একজন ইসলামী ভাই লন্ডন থেকে একটি চিঠি পাঠিয়ে ছিলো, যার সারাংশ নিজের ভাষায় বর্ণনা করার চেষ্টা করছি: বাবুল ইসলাম (সিন্ধু প্রদেশে) বসবাসকারী একজন বুয়ুর্গ বলেছেন: “এক রাতে আমি কবরস্থানের ভিতরে (গিয়ে) একটি তাজা কবরের পাশে বসে গেলাম, যাতে শিক্ষা অর্জন হয়। বসে বসে আমার ঘুম এসে গেল এবং কবরের অবস্থা আমার কাছে প্রকাশ হয়ে গেলো। দেখতে পেলাম ঐ কবরবাসী আগুনে জ্বলছে এবং চিৎকার করে করে সে আমাকে বলছে: “আমাকে বাঁচাও! আমাকে বাঁচাও।” আমি বললাম: “আমি কিভাবে বাঁচাতে পারি? সে বললো: কিছুদিন আগেই আমার মৃত্যু হয়েছে। আমার যুবক ছেলে এসময় টিভি তে সিনেমা দেখছে। যখনই সে এমন করে, তখন আমার উপর কঠিন আযাব শুরু হয়ে যায়। আল্লাহর দোহাই আমার যুবক ছেলেকে বুঝাবেন যাতে বিলাসীতা পূর্ণ জীবন ধারণ করা ছেড়ে দেয়, সে যেন এ টিভি না দেখে। কেননা, সেটা আমি ক্রয় করে ছিলাম, আর এখন এর কারণে আযাবে ফেঁসে গেছি। আফসোস! আমি সন্তানদেরকে দুনিয়াবী শিক্ষা দিয়েছি, কিন্তু ইসলামী শিক্ষা দিইনি। তাদেরকে গুনাহ থেকে বিরত রাখিনি এবং কবর ও আখিরাতের ব্যাপারে সাবধান করিনি। কবরবাসী নিজের নাম ও ঠিকানা বলে দিলেন। সুতরাং আমি সকালে পার্শ্ববর্তী গ্রামে অবস্থিত মরহুমের ঘরে গেলাম। যুবক তখন ঐ রাতে টিভিতে সিনেমা দেখার (কথা) স্বীকার করলেন। আমি যখন তাকে আমার স্বপ্ন শুনালাম তখন মর্মান্বিত হয়ে কাঁদতে লাগলেন এবং নিজ ঘর থেকে টিভি বের করে দিলেন।

রাসূলুল্লাহ ﷺ ইরশাদ করেছেন: “তোমরা যেখানেই থাকো আমার উপর দরুদে পাক পড়ো, কেননা তোমাদের দরুদ আমার নিকট পৌঁছে থাকে।” (তবারনী)

## প্রিয় নবী ﷺ এর মোবারকবাদ

একজন মেজরের বর্ণনা; আমি তখন ‘মংগলা ডেম’ স্থানে অবস্থান করতাম “জাহলাম” এর ইসলামী ভাইয়েরা সুন্নাতে ভরা বয়ানের কয়েকটি ক্যাসেট আমাকে উপহার স্বরূপ প্রদান করে। আর সে ক্যাসেটগুলো ঘরে চালানো হলো। তাতে বাবুল ইসলাম সিন্ধু প্রদেশের ঐ বুজুর্গ ব্যক্তির ঘটনাও ছিলো। এ ঘটনা শুনে আমরা সবাই আল্লাহ তাআলার আযাবে ভয় পেয়ে গেলাম এবং সর্ব সম্মতিক্রমে টিভিকে ঘর থেকে বের করে দিলাম। আল্লাহর শপথ! টিভি ঘর থেকে বের করে দেয়ার প্রায় এক সপ্তাহ পর আমার সন্তানের মা (আমার স্ত্রী) স্বপ্নে অদৃশের সংবাদ দাতা, মদীনার তাজেদার, হযুরে আনওয়ার صَلَّى اللهُ تَعَالَى عَلَيْهِ وَآلِهِ وَسَلَّمَ এর দীদার লাভে ধন্য হলেন এবং প্রিয় আকা, দোজাহানের বাদশাহ, হযুর صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করছেন: “মোবারক হোক। কেননা, তোমাদের ঘর থেকে টিভি বের করে দেয়ার আমলটি আল্লাহ তাআলার দরবারে কবুল হয়ে গেছে।”

এগুলো ঐ সময়ের ঘটনাবলী যখন দা’ওয়াতে ইসলামী মহিলা এবং গান-বাজনা ইত্যাদি থেকে পবিত্র ১০০% ইসলামী “মাদানী চ্যানেল” এর যাত্রা শুরু করেনি। “মাদানী চ্যানেল” ব্যতীত দুনিয়া ব্যাপী এটা লিখা পর্যন্ত আমার জানা মতে এখনও কোন বিশুদ্ধ শরয়ী চ্যানেল নেই। তাই বর্ণিত ঘটনাবলী ঐ সময়ের প্রেক্ষাপটে একেবারে সঠিক। কেননা, ঐসব লোকেরা গুনাহে ভরা অনুষ্ঠান দেখতো। এখনো বিভিন্ন চ্যানেলে গুনাহে ভরা অনুষ্ঠান দেখে এমন ব্যক্তিদের জন্য এটাই অনুরোধ যে, ঐ T.V. কে ঘর থেকে বের করে দিবেন এবং এর মাধ্যমে যতো গুনাহ করেছে, সেগুলো থেকে তাওবাও করবে।

রাসূলুল্লাহ ﷺ ইরশাদ করেছেন: “তোমরা যেখানেই থাকো আমার উপর দরুদে পাক পড়ো, কেননা তোমাদের দরুদ আমার নিকট পৌঁছে থাকে।” (তাবারানী)

হ্যাঁ! যদি দেখতেই হয় বরং অবশ্যই দেখুন এবং এজন্য এমন ব্যবস্থা করুন যে, যেন আপনার T.V. তে শুধু মাদানী চ্যানেলই চলে। কুরআন তিলাওয়াত, নাত শরীফ, সুন্নাতে ভরা বয়ান সমূহ এবং রং বেরঙ্গের মাদানী ফুলের বরকতে **إِنْ شَاءَ اللَّهُ عَزَّوَجَلَّ** আপনার ঘর শান্তির নীড়ে পরিণত হবে। অন্যান্য চ্যানেল বন্ধ করার তিনটি পদ্ধতি লক্ষ্য করুন: ❀ মেনুইল টিউনের মাধ্যমে নিজের কাঙ্ক্ষিত চ্যানেলকে অন্যান্য সকল চ্যানেলের উপর সেট (Set) করে দিন। ❀ টিভিতে প্রদত্ত ব্লক সিস্টেমের মাধ্যমে অন্যান্য চ্যানেল ব্লক করে দিন। ❀ আজকাল নতুন ডিভাইসের মধ্যে নির্দিষ্ট চ্যানেলের পাসওয়ার্ড লাগাতে পারেন।

## বাথনা করিও না

প্রিয় ইসলামী ভাইয়েরা! এবার দেখুন! কোন সৌভাগ্যবান এমন রয়েছে, যে নিজের ঘর থেকে T.V. বের করে বা শুধুমাত্র এতে মাদানী চ্যানেলের জন্য নির্দিষ্ট করে নেয়। আর আল্লাহর পানাহ! কোন দূর্ভাগা এমন রয়েছে, যে গুনাহে ভরা অনুষ্ঠান সহ T.V. রেখে মারা যায় এবং আল্লাহ না করুক! আল্লাহ না করুক! আল্লাহ না করুক! কবরে গিয়ে ফেঁসে যায়! হয়তঃ শয়তান আপনাকে এই কুমন্ত্রনা দিতে পারে যে, বুঝতে পারছি না, দাওয়াতে ইসলামী ওয়ালারা কোথা থেকে এরকম “ঘটনাবলী” সংগ্রহ করে আনে, T.V. তো মাদানী চ্যানেলের পূর্বেও অমুক অমুকের ঘরে বিদ্যমান ছিলো। দেখুন! আমাকে সন্তুষ্ট করার জন্য এই দলীল যথেষ্ট নয়। আপনি আমার বর্ণনাকৃত ঘটনাবলী বিশ্বাস করুন বা না করুন কিন্তু আল্লাহকে ভয়কারী ব্যক্তির অন্তর চিৎকার করে করে বলবে যে, এটা (টিভি) সাধারণত গুনাহের মিটারকে খুব দ্রুত পরিচালনাকারী।



রাসূলুল্লাহ ﷺ ইরশাদ করেছেন: “প্রতিটি উদ্দেশ্য সম্বলিত কাজ, যা দরুদ শরীফ ও যিকির ছাড়াই আরম্ভ করা হয়, তা বরকত ও মঙ্গল শূণ্য হয়ে থাকে।” (মাতালিউল মুসাব্বরাত)

এর অনর্থক অনুষ্ঠান সমূহ সমাজকে নষ্ট ও ধ্বংস করে দিয়েছে, চরিত্র খারাপ করে দিয়েছে। লজ্জাহীনতা, পর্দাহীনতা এই টিভির কারণেই অনেক বেশি ব্যাপক হয়েছে এবং কিছু স্বল্পতা ছিলো তা ডিস-এন্টিনা পরিপূর্ণ করে দিয়েছে। T.V. ই একমাত্র আমাদের স্ত্রী-কন্যাকে নতুন নতুন খারাপ খারাপ ফ্যাশন শিখিয়েছে। আমাদের যুবক ছেলে সন্তানদেরকে দুঃশরিত্র প্রেমে পরিপূর্ণ নাটক দেখিয়ে যুবতীদের প্রেমের ফাঁদে ফেলে তাদের জীবনকে ধ্বংস করে দিয়েছে। আর এই কৌশলে আমাদের কন্যাদেরকেও নষ্ট করে দিয়েছে। ছোট ছোট বাচ্চাদের অবস্থা এমন করে দিয়েছে যে, তারা সঙ্গীতের তালে পায়ের টাখনু নাড়তে ও নাচতে দেখা যায়, এরপর যদিও আংশিক অসম্পূর্ণতা ছিলো তা ইন্টারনেট এর মাধ্যমে পূর্ণ করতে লাগলো। মুসলমান ধ্বংসের অতল গভীরে তলিয়ে যাচ্ছে। ইসলামের শত্রুদের শক্তি এ পর্যায়ে শোচনীয়ভাবে পিছনেই পড়ে গেছে এবং তারা (মুসলমানদের) এত বেশি বিলাসিতাপূর্ণ ও প্রমোদ প্রেমিক এর অভ্যস্থ করে দিয়েছে যে, আল্লাহ্র পানাহ! এখন মুসলমানরা অমুসলিমদের পূর্ণরূপে মুখাপেক্ষী হয়ে গেছে। অথচ এমন একটি সময় ছিলো, শুধুমাত্র ৩১৩ জন মুসলমান বদর ময়দানে এসে দুষ্ট কাফিরদের ১ হাজার সৈন্যকে লাঞ্চিতভাবে পরাজিত করেছিল এবং তাদের শান এমন ছিলো যে,

গোলামানে মুহাম্মদ জান দেনে ছে নেহী ডরতে,  
ইয়ে হরকাট জায়ে ইয়া রেহ জায়ে ওহ পরওয়া নেহী করতে।

প্রিয় ইসলামী ভাইয়েরা! নিজের গুনাহ থেকে সত্যিকার তাওবা করুন এবং এটাও অঙ্গিকার করুন: “আগামীতে গুনাহ থেকে বেঁচে সৎকাজ করবো।” ভীত হয়ে তাওবা করার দিকে ধাবিত হওয়ার জন্য আসুন কয়েকটি গুনাহের শাস্তি শ্রবন করি:

রাসূলুল্লাহ ﷺ ইরশাদ করেছেন: “আমার উপর অধিক হারে দরুদে পাক পাঠ করো, নিঃসন্দেহে এটা তোমাদের জন্য পবিত্রতা।” (আবু ইয়াল)

## ভয়ানক উপত্যকা

জাহান্নামে ‘গাই’ নামক একটি ভয়ানক উপত্যকা রয়েছে। যার উত্তপ্ততা থেকে জাহান্নামের অন্যান্য উপত্যকাগুলো আশ্রয় চাই। এই উপত্যকা ব্যাভিচারী, মদপান কারী, সূদখোর, মিথ্যা সাক্ষী দাতা, মাতা-পিতার অবাধ্য ও বেনামাযীর জন্য রয়েছে। (রুহুল বয়ান, ৫ম খন্ড, ৩৪৫ পৃষ্ঠা)

## টাক ওয়ালা সাপ

হযরত সায্যিদুনা আবু হুরায়রা رَضِيَ اللهُ تَعَالَى عَنْهُ থেকে বর্ণিত; মদীনার তাজেদার, উভয় জগতের সরদার, হযুরে আনওয়ার صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেছেন: “যাকে আল্লাহ তাআলা সম্পদ দান করেছেন এবং সে ঐ সম্পদের যাকাত প্রদান করলো না, কিয়ামতের দিন তার সম্পদকে একটি টাক ওয়ালা সাপের আকৃতিতে পরিণত করা হবে। আর ঐ সাপটির দুইটি তিলক থাকবে (যা তার মারাত্মক বিষাক্ত হওয়ারই নমুনা) এবং সে সাপটিকে ঐ ব্যক্তির গলার হার বানিয়ে দেয়া হবে যেটা নিজের চোয়াল দিয়ে ঐ ব্যক্তিকে দংশন করতে থাকবে আর বলবে: আমি হচ্ছি তোমার সম্পদ, তোমার ধন ভান্ডার।”

(সহীহ বোখারী, ১ম খন্ড, ৪৭৪ পৃষ্ঠা, হাদীস-১৪০৩)

## চল্লিশ দিন পর্যন্ত নামায কবুল হবে না

মদ পানকারীরা কান লাগিয়ে শুনুন এবং থর থর করে কেঁপে উঠুন: রাসূলুল্লাহ ﷺ ইরশাদ করেন: “যে মদ পান করবে চল্লিশ দিন পর্যন্ত তার নামায কবুল হবে না। যদি সে তাওবা করে আল্লাহ তাআলা তার তাওবা কবুল করবেন। অতঃপর যদি ২য় বার পুনরায় মদ পান করে তবে পুনরায় পরবর্তী চল্লিশ দিন পর্যন্ত তার নামায কবুল হবে না।

রাসূলুল্লাহ ﷺ ইরশাদ করেছেন: “যে ব্যক্তি আমার উপর একবার দরুদ শরীফ পড়ে, আল্লাহ তাআলা তার উপর দশটি রহমত নাযিল করেন।” (মুসলিম শরীফ)

সে যদি তাওবা করে, তবে আল্লাহ তাআলা তার তাওবা কবুল করবেন। অতঃপর যদি ওয় বার মদ পান করে তখনও পুনরায় পরবর্তী চল্লিশ দিন পর্যন্ত তার নামায় কবুল হবে না। যদি সে তাওবা করে তবে আল্লাহ তাআলা তার তাওবা কবুল করবেন। পুনরায় যদি সে ৪র্থ বার মদ পান করে তখনও পরবর্তী চল্লিশ দিন পর্যন্ত তার নামায় কবুল হবে না। এরপর সে যদি তাওবা করে আল্লাহ তাআলা তার তাওবা কবুল করবেন না এবং তাকে নাহরে খাবাল (অর্থাৎ দোষখীদের পূঁজের নদী) থেকে পান করানো হবে।” (তিরমিযী, ৩য় খন্ড, ৩৪১ পৃষ্ঠা, হাদীস- ১৮৬৯)

## শেরে খোদা আলী رَضِيَ اللهُ تَعَالَى عَنْهُ এর মদের প্রতি ঘৃণা

আমীরুল মুমিনীন হযরত সাযিয়্যুদুনা আলী মুরতাজা, শেরে খোদা رَضِيَ اللهُ تَعَالَى عَنْهُ মদের প্রতি ঘৃণা প্রকাশ করতে গিয়ে বলেছেন: “যদি কোন কুপে মদের একটি ফোটা পড়ে এবং তার উপর মিনার নির্মাণ করা হয়, তবে আমি ঐ মিনারে আযান দেবনা। আর যদি কোন সাগরে মদের একটি ফোটা পড়ে অতঃপর ঐ সাগরটি শুকিয়ে যায় এবং তাতে ঘাঁস জন্মায়, তবে ঐ ঘাসে আমি আমার পশু চরাবো না। (ক্বহুল বয়ান, ১ম খন্ড, ৩৪০ পৃষ্ঠা)

## অত্যাচারী পিতা-মাতারও আনুগত্য

পিতা-মাতার অবাধ্যদেরকে ভয়ে তাওবা করে নেওয়া এবং মাতা পিতার নিকট ক্ষমা প্রার্থনা করে তাদেরকে সন্তুষ্ট করে নেয়া প্রয়োজন নতুবা অবস্থা করণ হবে।

রাসূলুল্লাহ ﷺ ইরশাদ করেছেন: “যে ব্যক্তি আমার উপর দরুদ শরীফ পাঠ করা ভুলে গেল, সে জান্নাতের রাস্তা ভুলে গেলো।” (ভাবারানী)

মদীনার তাজেদার, মাহবুবে পরওয়ারদিগার, রাসূলদের সরদার صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেছেন: “যে ব্যক্তির সকাল আপন মাতা-পিতার আনুগত্য করা অবস্থায় হয়, তার জন্য সকালেই জান্নাতের দুইটি দরজা খুলে যায়। আর মাতা পিতার মধ্য থেকে একজনও (জীবিত) থাকে, তবে একটি দরজা খুলে যায়। আর (যদি) যে ব্যক্তি মাতা পিতার ব্যাপারে আল্লাহর নাফরমানী করে সন্ধ্যা (অতিবাহিত) করলো, তার জন্য সকালেই জাহান্নামের দুইটি দরজা খুলে যায়। আর মাতা-পিতা থেকে (যদি) একজনই (জীবিত) থাকে, তবে একটি দরজা খুলে যায়। এক ব্যক্তি আরয করলো: “যদিও মাতা-পিতা তার উপর জুলুম করে।” ইরশাদ করলেন: “যদিও জুলুম করে, যদিও জুলুম করে, যদিও জুলুম করে।”

(গুয়াবুল ঈমান, ৬ষ্ঠ খন্ড, ২০৬ পৃষ্ঠা, হাদীস- ৭৯১৬)

## ওয়াদা ভঙ্গকারীর শাস্তি

প্রিয় ইসলামী ভাইয়েরা! যদি মাতা পিতা শরীয়াত বিরোধী আদেশ দেয় তখন সে ব্যাপারে তার কথার আনুগত্য করা যাবে না। যেমন- হারাম সম্পদ উপার্জন করে আনা অথবা দাঁড়ি মুঞ্জানোর নির্দেশ দেয় তখন তার এ কথা মানা যাবে না। গুনাহের কথায় বা কাজে মাতা পিতার আনুগত্যকারী গুনাহগার এবং জাহান্নামের হকদার হবে। যে কথায় কথায় ওয়াদা করে নেয় কিছু শরীয়াত সম্মত কারণ ছাড়া পূর্ণ করে না, তার জন্য খুবই চিন্তার বিষয়। যেমন- মক্কা মদীনার সুলতান, প্রিয় নবী صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেন: “যে কোন মুসলমানের সাথে ওয়াদা ভঙ্গ করে তার উপর আল্লাহ তাআলা ও ফিরিস্তাগণ এবং সকল মুসলমানের লানত বর্ষিত হয়। আর তার কোন ফরয ও নফল (ইবাদত) কবুল হবে না। (বুখারী শরীফ, ১ম খন্ড, ৬১৬ পৃষ্ঠা, হাদীস- ১৮৭০)

রাসূলুল্লাহ ﷺ ইরশাদ করেছেন: “তোমরা যেখানেই থাকো আমার উপর দরুদে পাক পড়ো, কেননা তোমাদের দরুদ আমার নিকট পৌঁছে থাকে।” (তাবারানী)

## পেটের মধ্যে সাদ

মদীনার তাজেদার, সকল নবীদের সরদার, হুযুরে আনওয়ার صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেন: “মেরাজের রাতে আমাকে এমন একটি গোত্রের নিকট ভ্রমণ করানো হয়েছে, যাদের পেট ছোট কক্ষের মত ছিলো তাতে সাপে ভরা ছিলো, যা পেটের বাইরে থেকে দেখা যাচ্ছিল আমি জিজ্ঞাসা করলাম: “হে জিব্রাঈল! এরা কোন লোক? তখন তিনি বললেন: “এরা ঐসব লোক যারা সূদ খেতো।” (ইবনে মাজাহ, ৩য় খন্ড, ৭১ পৃষ্ঠা, হাদীস- ২২৭৩)

## ৩৬বার যিনার চেয়েও জঘন্য

আল্লাহ তাআলার মাহবুব, প্রিয় নবী صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেছেন: “সূদের একটি দিরহাম (টাকা) জেনে বুঝে খাওয়া ৩৬ বার যিনা (ব্যভিচার) করা থেকেও বেশি মারাত্মক এবং কঠিন গুনাহ।”

(সুনানে দারু কুত্বনী, ৩য় খন্ড, ১৯ পৃষ্ঠা, হাদীস- ২৮১৯)

## জাহান্নামের পাথেয়

হযরত সায্যিদুনা আব্দুল্লাহ ইবনে মাসউদ رَضِيَ اللهُ تَعَالَى عَنْهُ থেকে বর্ণিত; “বান্দা যা হারাম সম্পদ উপার্জন করবে যদি (তা) খরচ করে তাতে কোন বরকত হবে না। আর যদি সদকা বা দান খয়রাত করে তা কবুল হবে না এবং যদি ঐ সম্পদ নিজের অবর্তমানে রেখে মারা যায়, তবে সেটা তার জন্য জাহান্নামের পাথেয় হিসাবে পরিণত হবে।” (মুসনাদে ইমাম আহমদ, ২য় খন্ড, ৩৪ পৃষ্ঠা, হাদীস- ৩৬৭২) সূদের ধ্বংসলীলা এবং তা থেকে বেঁচে ব্যবসা ইত্যাদি করার পদ্ধতি সমূহের উপর জ্ঞান অর্জন করার জন্য মাকতাবাতুল মদীনা কর্তৃক প্রকাশিত ৯২ পৃষ্ঠা সম্বলিত রিসালা “সূদ ও এর প্রতিকার” অবশ্যই অধ্যয়ন করুন। إِنْ شَاءَ اللهُ عَزَّ وَجَلَّ আপনার চক্ষুদ্বয় খুলে যাবে।

রাসূলুল্লাহ ﷺ ইরশাদ করেছেন: “যে ব্যক্তি কিভাবে আমার উপর দরুদ শরীফ লিখে, যতক্ষণ পর্যন্ত আমার নাম তাতে থাকবে, ফিরিশতারা তার জন্য ক্ষমা চাইতে থাকবে।” (আবারানী)

## সুন্নাতের বাথার

প্রিয় ইসলামী ভাইয়েরা! হুশে আসুন! উদাসীনতা থেকে জাগ্রত হোন! তাড়াতাড়ি গুনাহ থেকে তাওবা করে নিন। পশ্চিমা সভ্যতা থেকে দূরে থাকুন। প্রিয় আকা, মক্কী মাদানী মুস্তফা ﷺ এর প্রিয় সুন্নাত সমূহ আঁকড়ে ধরুন। নিজের সংশোধনের সাথে সাথে অন্যান্যদের সংশোধনেরও মনমানসিকতা তৈরী করুন। নেকীর দাওয়াতের জন্য নিজেকে বিলীন করার আগ্রহ সৃষ্টি করুন। জান, মাল এবং সময় সবকিছু সুন্নাত জীবিত করার জন্য উৎসর্গ করার আগ্রহ বৃদ্ধি করুন এবং নিয়ত করুন যে, “আমাকে নিজের এবং সারা দুনিয়ার মানুষের সংশোধনের চেষ্টা করতে হবে إِنْ شَاءَ اللَّهُ عَزَّوَجَلَّ” নিজের সংশোধনের জন্য মাদানী ইন্আমাতের উপর আমল এবং সারা দুনিয়ার মানুষের সংশোধনের জন্য মাদানী কাফেলায় সফর করা। الْحَمْدُ لِلَّهِ عَزَّوَجَلَّ তবলীগে কুরআন ও সুন্নাতের বিশ্বব্যাপী অরাজনৈতিক সংগঠন দাওয়াতে ইসলামীর সুবাসিত মাদানী পরিবেশে অসংখ্য সুন্নাত শিখা এবং শিখানো হয়। প্রত্যেক বৃহস্পতিবার ইশার নামাযের পর আপনার শহরে অনুষ্ঠিত দাওয়াতে ইসলামীর সাপ্তাহিক সুন্নাতে ভরা ইজতিমায় সারা রাত অতিবাহিত করার মাদানী অনুরোধ। আশিকানে রাসূলের মাদানী কাফেলায় সুন্নাত প্রশিক্ষণের জন্য সফর এবং দৈনন্দিন “ফিকরে মদীনা” করার মাধ্যমে মাদানী ইন্আমাতের রিসালা পূরণ করে আপনার এলাকার যিম্মাদারকে জমা করানোর অভ্যাস গড়ে তুলুন। إِنْ شَاءَ اللَّهُ عَزَّوَجَلَّ এর বরকতে সুন্নাতের অনুসারী হওয়া, গুনাহের প্রতি ঘৃণা সৃষ্টি হওয়া এবং ঈমান হিফাযতের জন্য চিন্তাভাবনা করার মনমানসিকতা সৃষ্টি হবে।



রাসূলুল্লাহ ﷺ ইরশাদ করেছেন: “যে ব্যক্তি আমার উপর প্রতিদিন সকালে দশবার ও সন্ধ্যায় দশবার দরুদ শরীফ পাঠ করে, তার জন্য কিয়ামতের দিন আমার সুপারিশ নসীব হবে।” (মাজমাউয যাওয়ায়েদ)

প্রিয় ইসলামী ভাইয়েরা! বয়ানের শেষে সূনাতের ফযীলত এবং কিছু সূনাত ও আদব বর্ণনার সৌভাগ্য অর্জন করছি। তাজেদারে রিসালাত, শাহানশাহে নবুয়ত, মুস্তফা জানে রহমত, হুয়ুর صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেছেন: “যে (ব্যক্তি) আমার সূনাতকে ভালবাসলো সে (মূলত) আমাকে ভালবাসলো, আর যে আমাকে ভালবাসলো সে জান্নাতে আমার সাথে থাকবে।” (ইবনে আসাকির, ৯ম খন্ড, ৩৪৩ পৃষ্ঠা)

صَلُّوا عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

## কবর ও দাফনের মাদানী ফুল

✱ আল্লাহ তাআলার বাণী:

أَلَمْ نَجْعَلِ الْأَرْضَ كِفَاتًا  
أَحْيَاءَ وَأَمْوَاتًا

কানযুল ঈমান থেকে অনুবাদ: আমি  
কি জমিনকে একত্রকারী করিনি।  
তোমাদের জীবিত ও মৃতদের।

(পারা- ২৯, সূরা- মুরসালাত, আয়াত- ২৫, ২৬)

এ আয়াতে মোবারাকার ব্যাখ্যায় “নূরুল ইরফান” ৯২৭ পৃষ্ঠার বর্ণিত আছে; এভাবে যে, জীবিতরা যমীনের পৃষ্ঠের উপর আর মৃতরা যমীনের পেটে একত্রিত আছে। ✱ মৃতকে দাফন করা ফরযে কিফায়া (অর্থাৎ একজনও দাফন করে দেয় তবে সবাই দায়মুক্ত হয়ে যাবে, নতুবা যার কাছে সংবাদ পৌছেছিল আর দাফন করাইনি গুনাহগার হবে) মৃতকে যমীনে রেখে চারিদিক থেকে দেয়াল দিয়ে বন্ধ করে দেয়া জায়েয নেই।

(বাহারে শরীয়তে, ১ম খন্ড, ৮৪২ পৃষ্ঠা)

রাসূলুল্লাহ ﷺ ইরশাদ করেছেন: “আমার প্রতি অধিকহারে দরুদ শরীফ পাঠ করো, নিশ্চয় আমার প্রতি তোমাদের দরুদ শরীফ পাঠ, তোমাদের গুনাহের জন্য মাগফিরাত স্বরূপ।” (জামে সগীর)

✱ কবর সমূহ আল্লাহ তাআলার নেয়ামত। কেননা, এতে মৃতকে দাফন করে দেয়া হয়। যাতে পশু এবং অন্যান্য বস্তুগুলো তার খেয়ানত না করে। ✱ নেককারদের কাছাকাছি দাফন করা চাই কেননা তার বরকতে সে উপকার লাভ করে থাকে। যদি আল্লাহর পানাহ আযাবের হকদার ও হয়ে যায়, তখন তিনি সুপারিশ করে থাকেন। ঐ রহমত যা নেককারের উপর অবতীর্ণ হয় তাকে ও আবৃত করে নেয়। হাদীস শরীফে বর্ণিত রয়েছে; নবী করীম ﷺ ইরশাদ করেন: “নিজের মৃতদেরকে নেককার লোকদের নিকটবর্তী দাফন করো।”<sup>(১)</sup> (ফতোওয়ায়ে রযবীয়া, ৯ম খন্ড, ৩৮৫ পৃষ্ঠা)

✱ রাতে দাফন করার মধ্যে কোন সমস্যা নেই।<sup>(২)</sup> ✱ একটি কবরে একজন থেকে বেশী প্রয়োজন ব্যতীত দাফন করা জায়েয নেই, আর প্রয়োজন হলে করতে পারে।<sup>(৩)</sup> ✱ জানায়ার খাট কবর থেকে কিবলার দিকে রাখা মুস্তাহাব যেন মৃতকে কিবলার দিক থেকে নামানো হয়। ✱ কবরের পায়ের দিকে রেখে মাথার দিকে আনবেন না।<sup>(৪)</sup> ✱ প্রয়োজন সাপেক্ষ দু বা তিন আর উত্তম হলো, শক্তিশালী ও নেককার লোক কবরে নামবে।<sup>(৫)</sup> ✱ প্রয়োজনে মৃত মহিলা হলে মুহরিম কবরে নামবে আত্মীয় স্বজন আর এরা ও না থাকলে নেককার দের দ্বারা নামাবেন। ✱ মৃত মহিলাকে কবরে নামানো থেকে তকতা লাগানোর পর্যন্ত কোন কাপড় দ্বারা ঘিরে রাখবেন।

(১) (হিলইয়াতুল আউলিয়া, ৬ষ্ঠ খন্ড, ৩৯০ পৃষ্ঠা)

(২) (জাওয়াহের, ১৪১ পৃষ্ঠা)

(৩) (বাহারে শরীয়াত, ১ম খন্ড, ৮৪৬ পৃষ্ঠা। আলমগিরী, ১ম খন্ড, ১৬৬ পৃষ্ঠা)

(৪) (বাহারে শরীয়াত, ১ম খন্ড, ৮৪৪ পৃষ্ঠা)

(৫) (আলমগিরী, ১ম খন্ড, ১৬৬ পৃষ্ঠা)

রাসূলুল্লাহ ﷺ ইরশাদ করেছেন: “যে ব্যক্তি জুমার দিন আমার উপর দরদর শরীফ পড়বে কিয়ামতের দিন আমি তার জন্য সুপারিশ করব।” (কানযুল উম্মাল)

\* কবরে নামানোর সময় এ দোয়া পাঠ করুন:

اللَّهُمَّ إِنِّي أَسْأَلُكَ بِرَأْسِ مُحَمَّدٍ وَآلِهِ وَسَلَّمَ بِرَأْسِ مُحَمَّدٍ وَآلِهِ وَسَلَّمَ بِرَأْسِ مُحَمَّدٍ وَآلِهِ وَسَلَّمَ \* মৃতকে ডান পার্শ্বে শুয়াবেন এবং কিবলার দিকে করে দিন এবং কাফনের বন্ধন খুলে দিন যে এখন আর প্রয়োজন নেই, না খুললেও কোন সমস্যা নেই।<sup>(১)</sup> \* কাফনের গিরা যে খোলে সে খোলার সময় এ দোয়া পাঠ করবে:

اللَّهُمَّ لَا تَحْرِمْنَا أَجْرَهُ وَلَا تَفْتِنَّا بَعْدَهُ - অনুবাদ: হে আল্লাহ! আমাদের কে এর সওয়াব থেকে বঞ্চিত করোনা এবং আমাদের কে এরপর ফিতনায় ফেলিওনা। \* কবর কাঁচা ইট<sup>(৪)</sup> দ্বারা বন্দ করে দিবেন যদি মাটি নরম হয় তবে (লাকড়ীর) তকতা লাগানো জায়েয।<sup>(৫)</sup> \* এখন মাটি দেয়া যাক, মুস্তাহাব হলো, মাথার দিক থেকে উভয় হাতে তিনবার মাটি দিবে। প্রথমবার বলবে: مِنْهَا خَلَقْنَاكُمْ<sup>(৬)</sup> দ্বিতীয়বার: وَفِيهَا نُعِيدُكُمْ<sup>(৭)</sup> তৃতীয়বার: مِنْهَا نُخْرِجُكُمْ تَارَةً أُخْرَى<sup>(৮)</sup> বলবে।

(১) (তানভিরুল বাহার, ৩য় খন্ড, ১৬৬ পৃষ্ঠা)

(২) (আলমগীরী, ১ম খন্ড, ১৬৬ পৃষ্ঠা। জওহেরা, ১৪০ পৃষ্ঠা)

(৩) (হাশিয়াতুত তাহতাবী আলা মায়াকিল ফালাহ, ২০৯ পৃষ্ঠা)

(৪) (কবরের ভিতরের অংশ আঙুনে পোড়া পাকা ইট লাগানো নিষেধ কিন্তু অধিকাংশ ক্ষেত্রে এখন সিমেন্টের দেয়াল এবং স্লেব এ প্রচলন রয়েছে এজন্য সিমেন্টের দেয়াল এবং সিমেন্টের তাক সমূহের ঐ অংশ যা ভিতরের দিকে রাখা হয় কাঁচা মাটির দ্বারা লিপে দিবেন। আল্লাহ তাআলার মুসলমানদের আঙুনের প্রভাব থেকে মুক্ত রাখুক। اٰمِيْنَ بِجَاہِ النَّبِيِّ الْاَمِيْنَ صَلَّى اللهُ تَعَالَى عَلَيْهِ وَاٰلِهِ وَسَلَّمَ)

(৫) (বাহারে শরীয়াত, ১ম খন্ড, ৮৪৪ পৃষ্ঠা)

(৬) (আমি মাটি থেকে তোমাকে সৃষ্টি করেছি)

(৭) (এর মধ্যে তোমাকে ফিরিয়ে আনবো)

(৮) (আর এর থেকে তোমাকে পুনরায় বের করব)

রাসূলুল্লাহ ﷺ ইরশাদ করেছেন: “আমার উপর দরদ শরীফ পাঠ করো, আল্লাহ তাআলা তোমাদের উপর রহমত নাযিল করবেন।” (ইবনে আদী)

এখন বাকি (মাটি) কোদাল ইত্যাদি দ্বারা দিবেন।<sup>(১)</sup> \* যতটুকু মাটি কবর থেকে বের হয়েছে তার বেশী দেয়া মাকরুহ।<sup>(২)</sup> \* হাতে যে মাটি লেগেছে, সেগুলোকে ঝেড়ে দেয়া বা ধৌত করার স্বাধীনতা রয়েছে।<sup>(৩)</sup> \* কবর চার কোণাবিশিষ্ট বানাবেন না বরং এটি উটের কোহানের মতো ঢালু রাখবেন। (দাফনের পর) এর উপর পানি ছিটানো উত্তম। কবর এক বিষত পরিমাণ উচু হওয়া বা একটু বেশী।<sup>(৪)</sup> দাফনের পর কবরের উপর আযান দেয়া সাওয়াবের কাজ এবং মৃতের জন্য খুবই ফল দায়ক।<sup>(৫)</sup> \* মুস্তাহাব হলো, দাফনের পর কবরের উপর সুরা বাকারার শুরু ও শেষ আয়াত তিলাওয়াত করা, শিয়রে (অর্থাৎ মাথার দিকে) مِنْ تَحْتِهَا থেকে مُفْلِحُونَ পর্যন্ত এবং পায়ের দিকে দাঁড়িয়ে مِنْ تَحْتِهَا থেকে শেষ পর্যন্ত তিলাওয়াত করা।<sup>(৬)</sup> \* দাফন করার পর কবরের পাশে এতটুকু অবস্থান করা মুস্তাহাব, যতটুকু পরিমাণ সময়ে উট জবেহ করে মাংস বন্টন করে দেয়া যায়। কেননা, এরা থাকার দ্বারা মৃতের প্রশান্তি লাভ হয় এবং মুনকার-নকীর ফেরেস্তাদের প্রশ্নের জবাব দিতে ভয় হবে না, আর ততটুকু সময় কুরআন তিলাওয়াত এবং মৃতের জন্য দোয়া ও ইস্তিগফার করবে এবং এ দোয়া করবে যেন মুনকার-নকীরের প্রশ্নের জবাবে অটল থাকে।<sup>(৭)</sup> \* শাজারা ও আহাদনামা কবরে দেয়া জায়েয,

(১) (জওহেরা, ১৪১ পৃষ্ঠা)

(২) (আলমগিরী, ১ম খন্ড, ১৬৬ পৃষ্ঠা)

(৩) (বাহারে শরীয়াত, ১ম খন্ড, ৮৪৬ পৃষ্ঠা)

(৪) (বাহারে শরীয়াত, ১ম খন্ড, ৮৪৬ পৃষ্ঠা। আলমগিরী, ১ম খন্ড, ১৬৬ পৃষ্ঠা। রদ্দুল মুহতার, ৩য় খন্ড, ১৬৮ পৃষ্ঠা)

(৫) (ফতোওয়ায়ে রযবীয়া, ৫ম খন্ড, ২৭০ পৃষ্ঠা)

(৬) (বাহারে শরীয়াত, ১ম খন্ড, ৮৪৬ পৃষ্ঠা)

(৭) (প্রাণ্ডক)

রাসূলুল্লাহ ﷺ ইরশাদ করেছেন: “যার নিকট আমার আলোচনা হলো এবং সে আমার উপর দরুদ শরীফ পড়লো না, সে জুলুম করলো।” (আম্বুর রাজ্জাক)

বরং “দুররে মুখতার” কিতাবে কাফনের উপর আহাদনামা লিখাকে জায়েয বলেছেন আর বলেন: এর দ্বারা মাগফিরাতের আশা করা যায় এবং মৃতের বুক এবং কপালের উপর بِسْمِ اللَّهِ الرَّحْمَنِ الرَّحِيمِ লিখা জায়েয। এক ব্যক্তি এটা লিখার ওসিয়ত করে ছিলো; ইস্তিকারের পর বুক এবং কপালের উপর যেন اللَّهُ بِسْمِ اللَّهِ শরীফ লিখে দেয়া হয়, কেউ তাকে স্বপ্নে দেখে জিজ্ঞাসা করলো। সে বললো: যখন আমাকে কবরে রাখা হলো আযাবের ফেরেশতা আসলো। ফেরেশতারা যখন কপালের উপর اللَّهُ بِسْمِ اللَّهِ শরীফ লিখা দেখলো তখন বললো: তুমি আযাব থেকে বেঁচে গেছো। (দুররে মুখতার, গুনিয়া) এমনও হতে পারে যে, কপালের উপর بِسْمِ اللَّهِ الرَّحْمَنِ الرَّحِيمِ লিখবে এবং বুকের উপর কলেমায়ে তায়্যিবা لَا إِلَهَ إِلَّا اللَّهُ مُحَمَّدٌ رَّسُولُ اللَّهِ صَلَّى اللَّهُ تَعَالَى عَلَيْهِ وَآلِهِ وَسَلَّمَ কিস্ত গোসলের পর কাফন পরিধানের আগে শাহাদাত আঙ্গুল দ্বারা লিখবে, কালি দ্বারা লিখবে না।<sup>(১)</sup> \* কবর থেকে মৃতের হাড়ি সমূহ বাহিরে বেরিয়ে আসলে তখন ঐ হাড়ি সমূহকে দাফন করা ওয়াজিব।

(ফতোওয়ায়ে রযবীয়া, ৯ম খন্ড, ৪০৬ পৃষ্ঠা)

অসংখ্য সুন্নাত শিখার জন্য মাকতাবাতুল মদীনা কর্তৃক প্রকাশিত ২টি কিতাব (১) ৩১২ পৃষ্ঠা সম্বলিত কিতাব “বাহারে শরীয়াত” ১৬তম খন্ড (২) ১২০ পৃষ্ঠা সম্বলিত কিতাব ‘সুন্নাত ও আদব’ হাদিয়া দিয়ে সংগ্রহ করে পাঠ করুন। সুন্নাত প্রশিক্ষনের একটি সর্বোত্তম মাধ্যম হচ্ছে দা’ওয়াতে ইসলামীর মাদানী কাফেলায় আশিকানে রাসূলের সাথে সুন্নাতে ভরা সফর করা।

(১) (বাহারে শরীয়াত, ১ম খন্ড, ৮৪৮ পৃষ্ঠা। রাদ্দুল মুহতার, ৩য় খন্ড, ১৮৬ পৃষ্ঠা)

রাসূলুল্লাহ ﷺ ইরশাদ করেছেন: “ঐ ব্যক্তির নাক ধুলামলিন হোক, যার নিকট আমার আলোচনা হলো আর সে আমার উপর দরদ শরীফ পড়লো না।” (হাকিম)

লুটেনে রহমতে কাফিলে মে চলো, শিখনে সুল্লাতে কাফিলে মে চলো।  
হোগি হাল মুশকিলে কাফিলে মে চলো, খতম হো শামতে, কাফিলে মে চলো।

صَلُّوا عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

মদীনার জলবাসা,  
জান্নাতুল বাফী, ❀ ও  
বিনা হিসাবে জান্নাতুল  
ফিরদাউসে প্রিয় আক্বু ﷺ  
এর প্রতিবেশী হওয়ার  
প্রত্যাশী।



২৯ মুহাব্বেরামুল হারাম ১৪৩৬ হিজরী  
২৩-১১-২০১৪

## তথ্যসূত্র

কিতাব	প্রকাশনা	কিতাব	প্রকাশনা
কুরআন শরীফ		ইহইয়াউল উলুম	দারুস ছাদির, বৈরুত
রুহুল বয়ান	দারুল ইহইয়াউত তুরাসিল আরবী, বৈরুত	আত্ তাযকীর	দারুস সালাম, মিশর
বুখারী	দারুল কুতুবিল ইলমিয়াহ, বৈরুত	আর রওদুল পায়িক	কোয়েটা
তিরমিযী	দারুল ফিকির, বৈরুত	শরহুস সুদুর	মারকাযে আহলে সুল্লাত বারকাত রযা, হিন্দ
ইবনে মাজাহ	দারুল মারেফা, বৈরুত	উয়ূনুল হিকায়াত	দারুল কুতুবিল ইলমিয়াহ, বৈরুত
মুসনদে ইমাম আহমদ	দারুল ফিকির, বৈরুত	তানবীরুল আবছার	দারুল মারেফ, বৈরুত
শুয়াবুল ঈমান	দারুল কুতুবিল ইলমিয়াহ, বৈরুত	রদুল মুখতার	দারুল মারেফ, বৈরুত
সুনানে দারু কুতনী	মুয়াস্বাতুর রিসালাহ, বৈরুত	জওহারা	বাবুল মদীনা করাচী
মওসআতু ইবনে আবিদ দুনিয়া	দারুল কুতুবিল ইলমিয়াহ, বৈরুত	আরমগিরী	দারুল ফিকির, বৈরুত
আলফিরদৌস বিমাটুরিল খাতাব	দারুল কুতুবিল ইলমিয়াহ, বৈরুত	হাশিয়াতুত তাহতাবী	বাবুল মদীনা করাচী
হিলয়াতুল আউলিয়া	দারুল কুতুবিল ইলমিয়াহ, বৈরুত	ফতোওয়ায়ে রযবীয়া	রযা ফাউন্ডেশন, মারকাযুল আউলিয়া, লাহোর
ইবনে আসাকির	দারুল ফিকির, বৈরুত	বাহারে শরীয়াত	মাকতাবাতুল মদীনা, বাবুল মদীনা, করাচী

রাসূলুল্লাহ ﷺ ইরশাদ করেছেন: “যখন তোমরা কোন কিছু ভুলে যাও, তখন আমার উপর দরুদ শরীফ পড়ো ۞! স্মরণে এসে যাবে।” (সাহাদাতুদ দা'রাইন)

এই রিসালাটি শায়খে তরিকত, আমীরে আহলে সুন্নাত, দা'ওয়াতে ইসলামীর প্রতিষ্ঠাতা হযরত আল্লামা মাওলানা আবু বিলাল মুহাম্মদ ইলইয়াস আগার কাদেরী রযবী ۞ উর্দু ভাষায় লিখেছেন। দা'ওয়াতে ইসলামীর অনুবাদ মজলিশ এই রিসালাটিকে বাংলাতে অনুবাদ করেছে। যদি অনুবাদ, কম্পোজ বা প্রিন্টিং এ কোন প্রকারের ভুলত্রুটি আপনার দৃষ্টিগোচর হয়, তাহলে অনুগ্রহ করে মজলিশকে লিখিতভাবে জানিয়ে প্রচুর সাওয়াব হাসিল করুন।

(মৌখিকভাবে বলার চেয়ে লিখিতভাবে জানালে বেশি উপকার হয়।)

### এই ঠিকানায় পাঠিয়ে দিন

দা'ওয়াতে ইসলামী (অনুবাদ মজলিশ)

মাকতাবাতুল মদীনা এর বিভিন্ন শাখা

ফয়যানে মদীনা জামে মসজিদ, জনপথ মোড়, সায়দাবাদ, ঢাকা।

ফয়যানে মদীনা জামে মসজিদ, নিয়ামতপুর, সৈয়দপুর, নীলফামারী।

কে.এম.ভবন, দ্বিতীয় তলা ১১ আন্দরকিল্লা, চট্টগ্রাম।

e-mail :

[bdmaktabatulmadina26@gmail.com](mailto:bdmaktabatulmadina26@gmail.com),

[bdtarajim@gmail.com](mailto:bdtarajim@gmail.com) web : [www.dawateislami.net](http://www.dawateislami.net)

### এই রিসালাটি পড়ে অন্যকে দিয়ে দিন

বিয়ের অনুষ্ঠান, ইজতিমা সমূহ, মিলাদ মাহফিল, ওরস শরীফ এবং জুলুসে মীলাদ ইত্যাদিতে মাকতাবাতুল মদীনা কর্তৃক প্রকাশিত রিসালা সমূহ বন্টন করে সাওয়াব অর্জন করুন, গ্রাহককে সাওয়াবের নিয়তে উপহার স্বরূপ দেওয়ার জন্য নিজের দোকানে রিসালা রাখার অভ্যাস গড়ে তুলুন। হকার বা বাচ্চাদের দিয়ে নিজের এলাকার প্রতিটি ঘরে ঘরে প্রতি মাসে কমপক্ষে একটি করে সুন্নাতে ভরা রিসালা পৌঁছিয়ে নেকীর দাওয়াত প্রসার করুন এবং প্রচুর সাওয়াব অর্জন করুন।



الموت الموت الموت الموت الموت الموت الموت الموت الموت الموت الموت

## অন্তরের কঠোরতার চিকিৎসা

হযরত সাযিদ্দাতুনা আয়েশা সিদ্দিকা رَضِيَ اللهُ تَعَالَى عَنْهَا এর নিকট এক মহিলা নিজের অন্তরের কঠোরতার ব্যাপারে অভিযোগ করলো তখন তিনি বললেন: “মুত্সকে বেশি পরিমাণে স্মরণ করো। এর দ্বারা তোমার অন্তর নরম হয়ে যাবে।” ঐ মহিলাটি এমনিই করলো তখন (তার) অন্তরের কঠোরতা বিদূরিত হয়ে গেলো। ততঃপর সে হযরত সাযিদ্দাতুনা আয়েশা সিদ্দিকা رَضِيَ اللهُ تَعَالَى عَنْهَا এর শুকরিয়া আদায় করলো।

(ইহুইয়াদিল উলুম, ৫ম খন্ড, ৪৭০ পৃষ্ঠা, মাক্তাবাতুল মদীনা)

الموت الموت الموت الموت الموت الموت الموت الموت الموت الموت الموت

### মাক্তাবাতুল মদীনার বিভিন্ন শাখা

ফয়যানে মদীনা জামে মসজিদ, জনপথ মোড়, সারোদাবাদ, ঢাকা। মে বাইল: ০১৯২০০৭৮৫১৭

জামেরাতুল মদীনা (মহিলা শাখা) তাজমহল রোড, মুহাম্মদপুর, ঢাকা। মোবাইল: ০১৭৪২৯৫৩৮৩৬

কে. এম. ভবন, দ্বিতীয় তলা, ১১ আন্দরকিল্লা, চট্টগ্রাম। মোবাইল: ০১৮৪৫৪০৩৫৮৯, ০১৮১৩৬৭১৫৭২

ফয়যানে মদীনা জামে মসজিদ, নিয়ামতপুর, সৈয়দপুর, নীলফামারী। মে বাইল: ০১৭১২৬৭১৪৪৬



মাদানী চ্যানেল  
দেখতে থাকুন

E-mail: [bdmaktabatulmadina26@gmail.com](mailto:bdmaktabatulmadina26@gmail.com)  
[bdtarajim@gmail.com](mailto:bdtarajim@gmail.com), Web: [www.dawateislami.net](http://www.dawateislami.net)



মাক্তাবাতুল মদীনা  
Maktabatul Madina